



Institut za razvoj mladih KULT

Banjska ul. 2  
71210 Ilidža  
Bosna i Hercegovina

T/F: 033 637 290

kult@mladi.org  
www.mladi.org

ID: 4201232650001

Općinama  
n.r. službeniku/ci za mlade

Vaša oznaka  
Naša oznaka 11.05-002  
Odgovorit na beka.glo@kultbih.org

U Ilidži, 16. 6. 2011. g.

**Javni poziv omladinskim udruženjima za učešće projektu „Institucionalni dijalog između mladih i vlasti kroz osnivanje vijeća mladih“**

Poštovani,

**Institut za razvoj mladih KULT poziva omladinska udruženja iz FBiH na učešće u projektu Institucionalni dijalog između mladih i vlasti kroz osnivanje vijeća mladih.**

Cilj projekta je doprinijeti demokratskoj stabilizaciji i razvoju građanskog društva u BiH, te formiranju institucionalne strukture predstavnika mladih (tzv. vijeća mladih), kako bi mladi mogli sudjelovati u svim procesima donošenja odluka za mlade, i to na svim razinama vlasti.

Općinsko vijeće mladih, prema Zakonu o mladima FBiH, jeste legitimno krívno predstavničko udruženje mladih koje okuplja omladinska udruženja iz određene općine.

Partneri u projektu su: Savjet mladih Vlasenica, PRONI Brčko, Demokratska organizacija mladih Velika Kladaša i KULT Gradačac.

Više informacija o projektu možete pročitati u sažetku projekta koji je u prilogu, kao i na web stranici [www.mladi.org](http://www.mladi.org).

Javni poziv otvoren je do 6. jula 2011.godine.

Molimo Vas da poziv prosljedite omladinskim udruženjima iz svoje općine, a u slučaju pitanja možete nas kontaktirati na 033/637290.

Unaprijed se zahvaljujemo.

S poštovanjem

Bekma Glo,  
projektna koordinatorica



Bankovna informacija: 15 4033270400103 ProCredit Bank d.d., Sarajevo  
Institut za razvoj mladih KULT, Ilidža, 16. 6. 2011. naziv Udruženje KULT.



## **JAVNI POZIV** omladinskim udruženjima iz FBiH za učešće u projektu „Institucionalni dijalog između mladih i vlasti kroz osnivanje vijeća mladih“

**Institut za razvoj mladih KULT** poziva omladinska udruženja iz FBiH na učešće u projektu *Institucionalni dijalog između mladih i vlasti kroz osnivanje vijeća mladih*. Po Javnom pozivu bit će odabrano 26 organizacija, u skladu s dolje navedenim kriterijima.

### **Prednosti za učešće**

- Učesnici u projektu dobit će informativni letak s odredbama Zakona o mladima FBiH i njihovim pojašnjenjima, kako bi Zakon bio razumljiv i primjenjiv;
- učesnici u projektu dobit će edukativni priručnik koji će dati jasan pregled koraka za osnivanje vijeća mladih, te o svrsi i funkcioniranju vijeća mladih;
- predstavnici/e omladinskih udruženja proći će polugodišnji program obuke za institucionalno, resursno i strukturno jačanje organizacije, koji se sastoji od osam modula;
- novoformirana općinska i/ili kantonalna vijeća mladih proći će tri trodnevne obuke o održivom funkcioniranju i upravljanju vijećem mladih;
- tokom projekta bit će pružena savjetodavna podrška, naročito prilikom osnivanja vijeća mladih;
- općinska uprava dobit će uputstvo za cijeli proces uspostavljanja općinskog spiska omladinskih udruženja, kao i o uspostavljanju saradnje s vijećem mladih;
- u saradnji sa službenikom/com za mlade lokalne uprave izradit će se baza podataka svih aktivnih omladinskih organizacija, u skladu sa Zakonom o mladima FBiH.
- omladinsko udruženje moći će unijeti svoje podatke u bazu organizacija koja će biti dostupna javnosti u vidu pretraživača na [www.mladi.org](http://www.mladi.org), a postojeće i nove organizacije bit će u mogućnosti kasnije same dopunjavati i mijenjati podatke;
- omladinskim organizacijama bit će pružena savjetodavna i tehnička pomoć u formiranju i registraciji lokalnih vijeća mladih u FBiH;
- tokom cijelog projekta partnerske omladinske organizacije, ali i druge koje izraze želju za tim, imat će savjetodavnu pomoć u uspostavljanju održivih i profesionalnih organizacija za saradnju s vlastima, ali i sudjelovanje u vijećima mladih;
- u općinama gdje nedostaju omladinske organizacije bit će pružena pomoć u njihovom uspostavljanju;
- sudjelovanje službenika/ce za mlade i predstavnika/ce vijeća mladih na jednodnevnoj konferenciji o radu s mladima i omladinskom radu.

Svi troškovi bit će pokriveni iz projekta.



## Kriteriji za prijavu

Na Javni poziv se mogu prijaviti omladinska udruženja koja ispunjavaju sve sljedeće kriterije:

1. Organizacija je omladinsko udruženje u skladu s definicijom iz Zakona o mladima FBiH.<sup>1</sup>
2. Organizacija je provela najmanje jednu lokalnu aktivnost u posljednjih 6 mjeseci.
3. Općinska uprava ima uspostavljena najmanje tri mehanizma od sljedećih pobrojanih: 1) ima službenika/cu za mlade, 2) dodjeljuje grantove za omladinske projekte, 3) ima komisiju za pitanja mladih, 4) dodijelila je besplatno prostor za rad omladinskog udruženja, 5) ima usvojenu strategiju prema mladima.
4. Općinska uprava voljna je sudjelovati u projektnim aktivnostima i dati doprinos u njihovom provođenju.
5. Organizacija je spremna delegirati jednog predstavnika/cu za učešće u polugodišnjem programu obuke.

## Potrebna dokumentacija

Aplikanti su dužni dostaviti sljedeću dokumentaciju:

1. Popunjen prijavni obrazac (možete ga preuzeti na [http://www.mladi.org/index.php?option=com\\_content&view=article&id=779&Itemid=323&lang=ba](http://www.mladi.org/index.php?option=com_content&view=article&id=779&Itemid=323&lang=ba));
2. fotokopija statuta omladinskog udruženja;
3. izjava potpisana od predsjednika/ce udruženja da 2/3 članova upravnog odbora i članova udruženja čine osobe starosti od 15 do 30 godina;
4. fotokopija rješenja o registraciji organizacije;
5. dokaz o postojanju najmanje 3 mehanizma u organu uprave koja su pobrojana u kriterijima;
6. izjava općinske uprave da je voljna sudjelovati u projektnim aktivnostima i dati doprinos u njihovom provođenju.

Fotokopije ne moraju biti ovjerene.

## Trajanje podrške

Od 1. jula 2011. do 1. maja 2013.

## Prijava

Sva potrebna dokumentacija treba pristići najkasnije do 6. jula 2011. g. poštom ili lično na adresu:

Institut za razvoj mladih KULT  
Za projekt: 11.05/1  
Banjska ulica 2  
71210 Ilidža  
Bosna i Hercegovina

<sup>1</sup> „Omladinsko udruženje“ označava udruženje čije članstvo i organe upravljanja čine dvije trećine (2/3) mladih, čije su aktivnosti i statutarne djelatnosti većinom usmjerene na mlade, a koje se osniva, registruje, djeluje i prestaje postojati u skladu sa zakonom na osnovu kog je registrirano. (Čl. 4, stav 2, Zakon o mladima FBiH, Službene novine FBiH, 36/10)



Pored toga, potrebno je prijavni obrazac (bez popratne dokumentacije) poslati faksom na 033 637290.

Aplikacije koje ne pristignu do naznačenog roka neće se razmatrati.

Institut za razvoj mladih KULT će sve prijavljene organizacije obavijestiti o ishodu, najkasnije do 11. jula 2011. g.

Sa svim odabranim omladinskim udruženjima bit će potpisan sporazum o saradnji.

**U prilogu:**

- prijavni obrazac
- opis projekta

Projekt finansira Evropska unija.



## **Nosilac projekta**

Institut za razvoj mladih KULT

## **Opći cilj**

Cilj projekta je formiranjem institucionalnih omladinskih predstavničkih struktura doprinijeti demokratskoj stabilizaciji, te razvoju građanskog društva u BiH, tako što će te strukture odgovorno i profesionalno sudjelovati u procesima donošenja odluka koje se tiču mladih na svim nivoima vlasti. Sve partnerske organizacije u projektu radit će na tome da uspostave partnerske odnose – kako među omladinskim organizacijama, tako i s vlastima. Vlasti će prepoznati prednosti saradnje s nevladinim sektorom i smatrat će ga kompetentnim partnerom u izradi politika prema mladima i drugih strateških dokumenata.

## **Specifični ciljevi**

Projektom se planiraju uspostaviti održive institucionalne strukture koje će omogućiti efikasnu saradnju između omladinskih organizacija u cijeloj BiH, posebno organizacija iz ruralnih sredina, zatim stvoriti održive kapacitete omladinskih organizacija u FBiH i u Distriktu Brčko, te omladinskih savjeta u RS-u. Očekuje se da će projektom biti obuhvaćene omladinske organizacije i vijeća/savjeti mladih iz svih krajeva BiH, kako bi se ojačali kapaciteti posebno organizacija u ruralnim sredinama i organizacija koje vode djevojke, kako bi se omladinski nevladin sektor prepoznao kao mogućnost za profesionalni angažman, te kako bi se proširila mreža saradnje i razmjene znanja i iskustava unutar omladinskih organizacija koje rade u bliskim oblastima. Ispunjavanje ovih ciljeva predstavlja pretpostavku za uspostavljanje dijaloga s vlastima.

## **Partneri u projektu**

Savjet mladih Vlasenica, PRONI Brčko, Demokratska organizacija mladih Velika Kladuša, KULT Gradačac.

## **Očekivani rezultati**

1. Omladinske organizacije iz FBiH i Distrikta Brčko, kao i omladinski savjeti iz RS-a, razvili su ljudske resurse u profesionalnu i održivu upravu organizacija i omladinskih savjeta kao i odgovornu saradnju sa vlastima.
2. Uspostavljen održiv mehanizam saradnje između vladinog i nevladinog sektora s ciljem zajedničkog rješavanja problema i razvoja politika prema mladima na svim nivoima.
3. Kantonalna vijeća mladih (FBiH), regionalni omladinski savjeti (RS) i organizacije/vijeće mladih iz Distrikta Brčko obučeni su u profesionalne predstavnike/ce koji zastupaju interese članova svojih organizacija i institucionalno, kroz dijalog, rješavaju probleme u saradnji s vlastima.
4. Svi nivoi vlasti prihvataju vijeća mladih kao zakonske predstavnike/ce tijela mladih i uključuju ih u sve procese odlučivanja koja se tiču mladih, pogotovo onih koji su zakonska obaveza.

## PRIJAVNI OBRAZAC

### za učešće u projektu „Institucionalni dijalog između mladih i vlasti kroz osnivanje vijeća mladih“

#### 1. Opći podaci

Puni naziv omladinskog udruženja
----------------------------------

Adresa: ulica i broj	Poštanski broj i mjesto
----------------------	-------------------------

Ime i prezime kontaktne osobe	Naziv pozicije
-------------------------------	----------------

Telefon	Faks	E-mail	www.
---------	------	--------	------

Ime i prezime odgovorne osobe	Naziv pozicije
-------------------------------	----------------

Ime i prezime delegiranog predstavnika/ce koji će pohađati obuku	Naziv pozicije	
Telefon	Faks	E-mail

Dosadašnja saradnja organizacije i lokalne uprave (primjeri dosadašnjih zajedničkih projekata ili aktivnosti, uključenost organizacije u gremije lokalne uprave ili u izradu nekih dokumenata i sl.)
--

Opis najmanje jednog lokalnog projekta koji je organizacija provela, a da je u vezi s mladim ljudima (naziv projekta, period provođenja, cilj projekta i kratak opis aktivnosti) (maksimalno jedna stranica)
--

Koje od sljedećih elemenata politike prema mladima ima Vaša lokalna uprava? <ul style="list-style-type: none"> <li><input type="checkbox"/> službenik/ca za mlade</li> <li><input type="checkbox"/> strateški dokument za podršku mladima (strategija prema mladima)</li> <li><input type="checkbox"/> prostor / centar za mlade</li> <li><input type="checkbox"/> grantovi za omladinske projekte</li> <li><input type="checkbox"/> komisija za pitanja mladih</li> </ul>
--

Detalji saradnje će se urediti sporazumom o saradnji, koji će biti potpisan nakon odabira omladinskih udruženja.



Potpis odgovorne osobe	Datum

